



## Palabrashonnan definitivo di penshun 2024-2026

Sindikatonan i direktor di RCN – na nòmber di minister di BZK – a traha palabrashonnan nobo na final di 2023 tokante kondishonnan di trabou pa ámtenarnan den Karibe Hulandes. E palabrashonnan ta konta pa e periodo 2024 te ku 2026. Bou di esaki ta kai tambe e palabrashonnan di penshun. E palabrashonnan aki ta definitivo awor.

### Prueba / tèst

PCN a someté e palabrashonnan di penshun na prueba di finansiamentu, viabilidadat, fiskalidadat i aseptashon hurídiko. PCN a aseptá despues e tarea pa ehekutá e areglo di penshun. E palabrashonnan di penshun pa 2024-2026 i e sifranan básiko pa 2024 ta fihá.

### Palabrashon èkstra

A inkorporá un komplementashon riba e palabrashonnan. Por sosodé ku den un aña no tin suficiente prima pa konstruí e penshunnan segun palabrashon. Esaki por sosodé por ehèmpel na momento ku ta bai ménos bon ku ekonomia. Den un situashon asina e partnernan sosial ta deliberá kiko mester sosodé. Nan por disidí pa oumentá e prima i/òf baha e konstrukshon di penshun. Na 2024 esaki no ta nesesario.

<b>Sifranan básiko 2024</b>	
Franchise	\$ 24.803
Salario máksimo ku ta duna penshun	\$ 55.750
Prima dunadó di trabou	23,3% di e base di penshun
Prima trahadó	11,7% di e base di penshun
Prima total	35,0% di e base di penshun